

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ ՖԻՆԱՆՍԱԿԱՆ  
ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ ՊԱՅՄԱՆԱԳԻՐ**

ք. Երևան

03 02 2023թ.

Հայաստանի Հանրապետության պաշտպանության նախարարությունը, ի դեմս ՀՀ պաշտպանության նախարար Սուրեն Պապիկյանի (այսուհետ՝ պետական մարմին), որը գործում է պետական մարմնի կանոնադրության հիման վրա, մի կողմից, և «Հումանիտար ականազերծման և փորձագիտական կենտրոն» ՊՈԱԿ-ը, ի դեմս տնօրեն Վաղինակ Սարգսյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով «Հայաստանի Հանրապետության 2023 թվականի պետական բյուջեի մասին» ՀՀ օրենքը, ՀՀ կառավարության 2022 թվականի դեկտեմբերի 29-ի N 2111-Ն որոշումը (այսուհետ՝ Որոշում), «Հումանիտար ականազերծման և փորձագիտական ծառայությունների կազմակերպման» ծրագրի իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

## **1. Պայմանագրի առարկան և գինը**

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել 215 320 000 (երկու հարյուր տասնհինգ միլիոն երեք հարյուր քսան հազար) ՀՀ դրամ գումար՝ «Հայաստանի Հանրապետության 2023 թվականի պետական բյուջեի մասին» ՀՀ օրենքի բյուջետային ծախսերի գործառնական դասակարգման N 02 բաժնի N 05 խմբի N 01 դասի 02 ծրագրի գծով հաստատված հատկացումներից: Կազմակերպությունը պարտավորվում է իրականացնել ՀՀ կառավարության 2022 թվականի դեկտեմբերի 29-ի N 2111-Ն որոշման N 5 հավելվածի N 7 աղյուսակում նշված (ըստ դասիչների) 1177 ծրագրի «Հումանիտար ականազերծման և փորձագիտական ծառայությունների կազմակերպում» 11001 «Հակաականային գործողությունների ենթակա տարածքի հետազննում, քարտեզագրում, նախատեսվող ծավալի աշխատանքների հստակեցում և իրականացվող միջոցառումների պլանավորում» միջոցառումները և հատկացումները օգտագործել «Հումանիտար ականազերծման և փորձագիտական կենտրոն» ՊՈԱԿ-ի 2023թ. հաստատված ծախսերի նախահաշվին համապատասխան

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելվածում:

## **2. Կողմերի իրավունքները և պարտավորությունները**

### **2.1. Պետական մարմինն իրավունք ունի՝**

2.1.1. ցանկացած ժամանակ (այդ թվում՝ ՀՀ ֆինանսների նախարարության միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2. որոշմամբ սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 5.1 կետով նախատեսված տուգանքը.

2.1.3. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին.

2.1.4. սույն պայմանագիրն ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

### **2.2. Կազմակերպությունն իրավունք ունի՝**

2.2.1. իրականացված միջոցառման արդյունքը պետական մարմնի կողմից ընդունվելու դեպքում պահանջելու վճարել իրեն հասանելիք գումարը.

2.2.2. պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

### **2.3. Պետական մարմինը պարտավոր է՝**

2.3.1. ծրագրով նախատեսված դեպքերում աջակցել կազմակերպությանը.

2.3.2. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3. իրականացնել ծրագրով նախատեսված այլ աշխատանքներ.

2.3.4. իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում:

Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են:

### **2.4. Կազմակերպությունը պարտավոր է՝**

2.4.1. իրականացնել ծրագրի շրջանակներում պետական մարմնի կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան հաշվառում.

2.4.2. պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով.

2.4.3. կատարել պետական մարմնի կողմից բացահայտված թերությունների վերացման նպատակով տրված ցուցումները.

2.4.4. սույն պայմանագրով սահմանված կարգով պետական մարմին ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն:

2.4.6. սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում:

2.4.7. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները:

2.4.8. ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.9. Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

2.4.10. Սույն պայմանագրով նախատեսված միջոցառումների տարեկան արդյունքներն ընդունվելուց հետո առաջացած տնտեսումները (խնայողությունները) կազմակերպությունը վերադարձնում է Հայաստանի Հանրապետության պետական բյուջե ոչ ուշ, քան մինչև 2023 թվականի դեկտեմբերի 22»:

Ընդ որում՝ սույն պարբերությամբ սահմանված պայմանը նախատեսվում է նաև տվյալ բյուջետային տարվա ընթացքում կնքվելիք պայմանագրերում:

### **3. Մոնիթորինգը**

3.1. Պետական մարմինը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Պետական մարմինը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

#### **4. Վճարման կարգը և ժամկետները**

4.1. Դրամաշնորհը տրամադրվում է ՀՀ կառավարության 2022 թվականի դեկտեմբերի 29-ի N 2111-Ն որոշմամբ նախատեսված 215 320 000 (երկու հարյուր տասնհինգ միլիոն երեք հարյուր քսան հազար) ՀՀ դրամ գումարի չափով, որոնք կազմակերպությանը տրամադրվում են վերջինիս գանձապետական հաշվին փոխանցելու միջոցով:

4.2. Կազմակերպությանը վճարումները կատարվում են միջոցառումների իրականացման մասին հաշվետվությունն ընդունվելու օրվան հաջորդող 20 աշխատանքային օրվա ընթացքում, եթե ծրագրով սահմանված չեն վճարումների կատարման այլ կարգ և (կամ) ժամկետներ:

#### **5. Կողմերի պատասխանատվությունը**

5.1. Սույն պայմանագրով և ծրագրով նախատեսված պարտավորությունների չկատարման կամ ոչ պատշաճ կատարման դեպքում կազմակերպությունը պարտավորվում է պետական մարմինն փոխհատուցել չիրականացված միջոցառման չափով և վճարել տուգանք՝ չիրականացված միջոցառման համար նախատեսված գումարի 1 տոկոսի չափով: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից: Պետական մարմինը սույն կետով նախատեսված գումարները հաշվարկում և հաշվանցում է կազմակերպությանը վճարվելիք գումարներից:

#### **6. Պայմանագրի գործողության ժամկետը**

6.1. Պայմանագիրն ուժի մեջ է մտնում կողմերի ստորագրման պահից և գործում է մինչև բյուջետային տարվա ավարտը:

#### **7. Անհաղթահարելի ուժի ազդեցությունը (ՖՈՐՍ-ՄԱԺՈՐ)**

7.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

## 8. Եզրափակիչ դրույթներ

8.1. Հայաստանի Հանրապետության կառավարության կողմից հաստատված ծրագիրը հանդիսանում է սույն պայմանագրի անբաժանելի մասը:

8.2. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

8.3. Պայմանագիրը կնքվում է 2 (երկու) օրինակից, որոնք ունեն հավասար իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

8.4. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

## 9. Կողմերի հասցեները, բանկային վավերապայմանները և ստորագրությունները

ՊԵՏԱԿԱՆ ՄԱՐՄԻՆ

ԿԱԶՄԱԿԵՐՊՈՒԹՅՈՒՆ

ՀՀ պաշտպանության նախարարություն

Ք. Երևան, Բագրևանդի 5

ՀՀ ՖՆ գործառնական վարչություն

Հ/Հ 9000 1111 3223

ՀՎՀՀ 02522157

«Հումանիտար ականագերծման և

փորձագիտական կենտրոն» ՊՈԱԿ

ք. Վաղարշապատ, Մ. Խորենացու 18

Երևանի թիվ 1 գանձապետարան


Հ/Հ 900018002254

ՀՎՀՀ 04724306



ՀՀ ՊԱՇՏՊԱՆՈՒԹՅԱՆ ՆԱԽԱՐԱՐ

Ս. ՊԱՊԻԿՅԱՆ



ՏՆՕՐԵՇ

Վ. ՍԱՐԳՍՅԱՆ

Հավելված  
 2023 թ. ~~վերջավորված~~ 3 -ին  
 կնքված պետության կողմից  
 դրամաշնորհի ձևով տրամադրվող  
 ֆինանսական աջակցության գումարների  
 օգտագործման մասին պայմանագրի

**Ա Ւ Զ Ո Ց Ա Ռ ՈՒ Մ Ն Ե Ր**

Իրականացվելիք միջոցառումը						
N/ N ը/կ	անվանումը	համառոտ բովանդակությունը	կատարման ենթակա գործառնությունների նկարագիրը	ակնկալվող արդյունքները և դրանց գնահատման չափանիշները	ակնկալվող արդյունքի քանակական ցուցանիշը	վերջնած ամկետը
	Հումանիտար ակամագերծմա ն և փորձագիտակ ան ծառայությունն րի կազմակերպում	Կասկածելի վտանգավոր տարածքների (ԿՎՏ) կրճատում	Հաստատված վտանգավոր տարածքների (<ՎՏ) և կասկածելի վտանգավոր տարածքների (ԿՎՏ) կրճատումն իրենից ներկայացնում է տարածքի՝ վտանգավոր լինելու մասին բացառումը: Այն իրականացվում է տեխնիկական հետազոտության գործողությունների իրականացմամբ, որի արդյունքում վտանգավոր տարածքի մակերեսի մի մասը մաքրվում է մյուս մասը կրճատվում: Այս միջոցառման արդյունքում տարածքը կճանաչվի որպես անվտանգ և կօգտագործվի բնակչության կողմից, ինչպես նաև կնվագեցնի զուտ ականագերծման աշխատանքներին ուղղվող Ֆինանսական միջոցների ծավալը:	Կասկածելի վտանգավոր տարածքի (ԿՎՏ) կրճատում, քառ. մետր:	30 000	22.12. 2023

	<p>Մարտական գործողության մաքրում:</p>	<p>Մարտական տարածքի աշխատանքների իրականացման արդյունքում կնվազեն չպայթած զինամթերքով պետության տարածքները, մարդկանց համար չպայթած զինամթերքից ռիսկը կնվազի, իսկ մաքրված տարածքները կօգտագործվեն գյուղատնտեսական նշանակությամբ: Ականազերծման աշխատանքները կիրականացվեն ՀՀ Սյունիքի մարզի Դավիթ Բեկ բնակավայրի տարածքում, որի արդյունքում առնվազն 50 000 քմ տարածք կմաքրվի չպայթած զինամթերքից:</p>	<p>Չպայթած զինամթերքից մաքրված տարածքների աճ, քառ. մետր:</p>	<p>50 000</p>	<p>22.12. 2023</p>
	<p>Չպայթած զինամթերքի վտանգի իրազեկման միջոցառումներ</p>	<p>Չպայթած զինամթերքի վտանգի իրազեկման միջոցառումները նպատակ ունեն անվտանգ վարքագծի կանոններ դրսևորելու նպատակով բնակչության շրջանում բարձրացնել իրազեկվածության մակարդակը, ուստի և բացառելով կամ նվազագույնի հասցնելով հնարավոր պատահարները: Հաշվի առնելով, որ ականազերծման աշխատանքները ժամանակատար և ծախսատար են, ուստի չպայթած զինամթերքի վտանգի միջոցառումները առաջնային նշանակություն ունեն անվտանգ վարքագծի կանոններ ձևավորելու և մարդկանց չպայթած զինամթերքների պատահարներից զերծ պահելու համար:</p>	<p>Իրազեկված չափահաս բնակիչներ և երեխաներ, ինչպես նաև աջակցություն ստացած ականներից և/կամ ՊՊՄ-ներից տուժած անձինք, մարդ:</p>	<p>10 000</p>	<p>22.12. 2023</p>

	<p>ՀԱՓԿ ՊՈԱԿ տվյալների բազայում առկա հվտ/կվտ հասանելիության մոնիտորինգ:</p>	<p>Հաշվի առնելով 2020թ. և 2022թ.- նների պատերազմի հետևանքները՝ անհրաժեշտություն է առաջացել հրավանագնել «ՀԱՓԿ» ՊՈԱԿ-ի տվյալների բազայում գրանցված վտանգավոր տարածքների մոնիթորինգ, ճշգրտելու վտանգավոր տարածքների հասանելիությունը՝ դրանք հետագա մաքրման/ականագերծման աշխատանքներում ներգրավելու նպատակով:</p>	<p>Վտանգավոր տարածքների տվյալների բազայի թարմացում, որը կիշտացնի վտանգավոր տարածքների մաքրման/ականագերծման աշխատանքների առաջնահերթության սահմանումը ինչպես նաև պլանավորումը:</p>	<p>35ՀՎՏ/ԿՎՏ Տարածք 3 մարզերում</p>	<p>22.12. 2023</p>
--	---	---	--	---	------------------------



Հաստատում եմ՝ ՊԵՏԱԿԱՆ ՄԱՐԻՄԻՆ

*(Handwritten signature)*



Հաստատում եմ՝ ԿԱՅԻՆԱԿԱՆ ՊՈՒԹՅՈՒՆ

*(Handwritten signature)*